

四庫全書

集部

欽定四庫全書

集部

宛陵集卷四十一至

詳校官庶吉士臣張溥

檢討臣何思鈞覆勘

覆校官博士臣劉光第

校對官主簿臣汪日贊

謄錄舉人臣張光熙

謄錄貢生臣許立壘

欽定四庫全書

宛陵集卷四十一

宋 梅堯臣 撰

依韻和馬都官春日憶西湖寄陸生

時望前湖倚玉梯，雲山橫絕路東西。
只知遠目窮芳草，不見高人在曲隄。
畫榼尋春應醉去，舊朋懷昔欲魂迷。
海邊燕子來無數，願託雙飛寄短題。

送志來上人往姑蘇謁元曹

拚取東橋柳青青，向故人欲知問館處。
要識舊溪春旆，

灑銅餅水休霑野寺塵吳門逢隱者必是漢名臣

溫成皇后挽詞

輦洛園陵啓函關鹵簿聞素車迎紫氣靈輶度青雲歌
欲傳長恨人將問少君明年賀元日無復繡衣薰

和真上人萬松亭虎窺泉

南岡新路平東嶺新亭成嶺上松萬株嶺下泉一泓松
未龍鱗老泉曾虎迹行虎去豈不渴松今豈不生泉無
百尺繩安見甘與清松無百歲人安見千丈柴道人能

喻道莫使世人驚
我來開醉眼不似阮步兵

種碧映山紅於新墳

年年杜鵑啼口滴
枝上赤今同萇弘血
三歲化為碧因移
新家傍顏色照松柏

邵郎中姑蘇園亭

吟愛樂天池上篇
買池十畝皆種蓮
薄城萬竿竹嬋娟
藤纜繫橋青板船
折腰大菱不直錢
鷓鴣灘鵝沙際眠
水從太湖根底穿
月出洞庭山上圓
公歸與客相留連

秋風鶴唳春杜鵑班鱸斫膾紅縷鮮紫豉煮莼香味全
我思白傳在三川吳船雖有吳饌偏當時九老各華顛
裴令來過吟復聯至今怪石存舊鐫七葉樹蔭黃金田
羨公有子勝昔賢高門通車千萬年

與正仲屯田遊廣教寺

春灘尚可涉不惜濺衣裾古寺入深樹野泉鳴暗渠酒
杯叅茗具山蕨間盤蔬落日還城郭入方帶月鉏

哭謝公儀學士

道路傳聞日驚嗟尚復疑疾因勤學得命不與人期賈
誼年傷少相如恨見遲向來公輔器看取李家知

依韻和王介甫兄弟舟次蕪江懷寄吳正仲

楚客連檣泊晚風吳人江畔醉無窮少陵失意詩偏老
子厚因遷筆更雄貫口信潮千里至平沙落日一時紅
知君兄弟才名大我媿白頭遼水東

依韻和吳季野馬上口占

溪頭三月草菲菲城畔春遊惜醉稀莫信杜鵑花上鳥

人歸猶道不如歸

邵考功遺魷魚及魷醬

已見楊花撲撲飛魷魚江上正鮮肥
早知甘美勝羊酪
錯把純羹定是非

昨於發運馬御史求海味馬已歸闕
吳正仲忽
分餉黃魚魷醬魷子因成短韻

前欲淮南求海味絨書未發報還臺
陸機黃耳何時至
嬰品分傳事按杯

正仲荅云鱉醬乃是毛魚耳走筆戲之

未開誤認其器

折却毛魚一品資吳郎聲屈向吾詩若論魷子無從著

冤氣衝喉未可知

正仲詩云鱈黃魷子出蘇臺蘇臺非出魷也

春日東齋

剝剝禽敲竹薰薰日照花耳中無俗聽眼底有閒誇
逃筍過幽草吹香到別家吾懷方自得切莫問生涯

吳正仲遺新茶

十片建溪春乾雲碾作塵天王初受貢楚客已烹新漏

世關山吏悲哀草土臣捧之何敢啜聊跪北堂親

閒居

讀易忘飢倦東窗盡日開庭花昏自斂野蝶晝還來謾
數過籬筍遙窺隔葉梅唯愁車馬入門外起塵埃

依韻和李野見招

悲憂如路去無程靜節終朝酒自傾苦苦來朝為醉伴
西山不使伯夷清

依韻馬都官宿縣齋

常愛陶潛遠世緣
阮家仍有竹嬾娟
夜深風撼蕭蕭響
誰憶北窗人正眠

吳正仲見訪回日暮必未晚膳因以解嘲

永日無車馬閑坊
有竹鄰雨中烏帽
至門外綠苔新不
殺雞為具堪題鳳
向人山公識墨在
知我舊來貧

昭亭潭上別弟

從來潭上別先賽
故人祠却入舟中
飲無令殘盡遲須
拚一日醉便作數
年期落日馬嘶急
岸傍人散時

夢後得宋中道書

四月十九日

宵夢宋子語畫得宋子書書意與夢語曾不異往初昔
我遭家難逢子亦在廬我南君大梁千里非隔疏念處
天地中天地猶一車日月為兩轂星辰隨徐徐晝夜轉
不已載之將焉如冉冉趨死鄉萬古曾無餘其間乃有
夢覺實夢何虛何虛亦何實及盡皆同墟身世既若此
合離休歎諸

送吳季野太博移蜀靈泉先至輦

葦箔蠶齊老桑林葉更生楚禽多異響蜀棧不堪行客
散岸傍席馬還溪上城過都當有問為語欲巖耕

至和元年四月二十日夜夢蔡紫微君謨同在
閣下食櫻桃蔡云與君及此再食矣夢中感而
有賦覺而錄之

朱櫻再食雙盤日紫禁重頒四月時
澠朗天開雲霧閣依稀身在鳳皇池
味兼羊酪何由敵鼓下純羹不足宜
原廟薦來應已久黃鶯猶在最深枝

依韻和吳正仲赤目見寄

尋常不病眼青白看人多暫見朱成碧難逢扁與和金

篋舊說在訶子古方磨我自苦風痺思君那得過

葛洪治赤

目翳膜方訶子一枚以蜜關口磨注目中

雨燕

五月五日

雨燕去還來銜蟲為雛食雄雌濕已倦梁棟冷並息緣
礎虬蜉羣拾餒蜻蜓翼穀粟滿京園任從黃雀得

夏蟲

物久必自化化之猶騫騰當看廁中蛆去作盤上蠅飛
聲既混難斂迹何疑冰寄言漆園吏已知鵬與鵬

秋雨篇

秋雨一向不解休連昏接晨終窮秋梅生不量仰天問
神宮夜夢言語周日月是天之兩目忽然生翳無藥療
只知淚滴為赤子赤子豈誤天公憂天公哭霽霽灑涕
落九州地祗不敢安泥潦已沒頭乃因從容詰神官后
稷今在帝所不從前后稷知稼穡曾以筋力親田疇曷

不告帝且輟泣九穀正熟容其收蚤時不泣此時泣憂
民欲活反扼喉神官發怒鬚奮虬下士小臣安預謀恐
然驚覺汗交流樹上已聽呼雌鳩

中秋月下懷永叔

有朋無明月秉燭光彊致有月無樂朋獨酌顏易醉往
年過廣陵公欣來我值期玩秋蟾圓靜埽庭下地復邀
高陽公賸作詩準備特特乃多連後池風雨至一夜看
石屏怛吟無逸氣今宵皓如晝千里嗟離異固知理難

并把酒遙相寄

當時出月
石屏同詠

聞永叔出守同州寄之

冕旒高拱元元上左右無非唯唯臣獨以至公持國法
豈將孤直犯龍鱗
茱萸欲把人留楚苜蓿方枯馬入秦
訪古尋碑可銷日秋風原上足麒麟

九日陪京東馬殿院會疊嶂樓

誰言天去遠山上有樓臺峰色引溪色共入茱萸杯行
當登泰山雲埽日月開柏烏與城烏兩處休鳴哀

酒病自責呈馬施二公

李白死宣城杜甫死耒陽二子以酒敗千古留文章我
無文章留何可事杯觴况承先子戒宜不著口嘗昔聞
有田竇以此相滅亡禮飲不在多歡飲不在荒二公方
逢時安得入醉鄉

宣城馬御史酒闌一夕而西因以寄之御史嘗
留老馬與子僕

三更醉下陵陽峰平明溪上去無蹤又牙鐵鏃謾橫絕

濕槽不驚潭底龍斷腸吳姬指如筍欲剥玉闕將何從
短翎水鴨飛不遠那經細雨山重重却顧舊埒老病馬
塵沙歷盡空龍鍾

詠懷

西方有鳥鼠生死同穴居物理固不測孰言飛走殊雄
雌豈相匹飲啄豈相須一為枝上鳴一為莽下趨苟合
而異嚮世道當何如

荅仲雅上人遺草書并詩

經月不出戶堂上多綠苔忽有方外客衣披稻畦來來
從青山下手把紉素裁筆草數行字瘦蛇起春雷渴墨
未散霧屈角麟欲開裝為兩大軸置我并瓊瑰嬾瞋長
鬚奴挂壁不埽埃智永與懷素其名久崔嵬師今繼此
學入神在徘徊未料輒以我便比和羹梅我心常苦酸
得姓何可能

讀吳季野芝草篇

阮生存詠懷美彼曜朱堂一榮不復枯五色異衆芳衆

芳發朝露俄以斂夕陽丹莖起瓦礫又匪媚棟梁此稟
由至和君子要有常

送吳季野

贈言必有規無規固無言彊言苟無補何異秋蟲喧君
行蜀道難不厭治輕軒母歿未歸土女長未出門誰能
力為此勞苦游牆藩

吳季野話撫州潛心閣

高閣潛心所圖書暴蠹收青山隨宅轉遠水向門流迤

遷看無厭潺湲聽不休一聞秦洞說便欲泛漁舟

詠懷四首

一身頭面間所用蓋有長兩耳主於聰兩目主於光維
鼻主於嗅維舌主於嘗以耳辨黑白以目分宮商以鼻
識酸鹹以舌聞麝香各各反爾用安得無悲傷此能而
兼彼自勞由不量寄言世上人欣欣蹈其常

東方有野父穰田一豚蹄復操一盂酒祝穀滿吾樓百
金請救兵所欲奢所齎彼何滑稽生仰天獨笑齊

自余居田里未免病與貧常把神農書每以藥物親處
方猶持法義比君使臣但恨無餘資豈及療我鄰筆頭
不中書聊可備急人昨日除吏來吾邦為長民欲溺復
燃灰敗筆前已陳

風驅暴雨來雷聲出雲背若沒千仞溪追奔下天鎧堂
堂亞夫軍吳楚不足碎旱氣沃原田煩蒸洗闐闐深料
生注射聚沫猶壅礙青蔥草樹鮮斷沒虹霓在向晚留
霽暉夫容染新黛

送毛祕校宣城主簿被薦入補令

良驥不必大騰羈已超邁良弓不待寒調弦日勁快宣
城古大邑聽訟易聳瞻君能扶其塞宰與民共賴自當
割雞用刀必無鈍敗嘗聞開元時令長多賜戒戒石今
尚存世異事不背以此贈行行無酒勿我怪

鴨脚子

魏帝昧遠圖於吳求鬪鴨乃為吳人料重玩志已愜江
南有嘉樹脩聳入天插葉如欄邊迹子剥杏中甲持之

奉漢宮百果不相壓非甘亦非酸澹苦衆所狎千里競
齋貢何異鬻爭噉

宛陵集卷四十一

欽定四庫全書

宛陵集卷四十二

宋 梅堯臣 撰

八月十五日夜東軒

隔竹已見月清光度谿來移影上素壁與我相徘徊是
夜正中秋天地霧露開人疑玉兔出藥杵不生埃嫦娥
倚冰輪豔色若自媒他夕豈不好物意為之摧

送楊辯青州司理

儒者服褒衣氣志輕王公一落該網中折節長俯躬山

東多豪士片言不可窮青土饒嘉棗無以人鈍蒙彼知
南楚輕強始必弱終矯志合其情乃是吾徒通行當問
友生為我舉杯空

隱靜山訪懷賢上人不遇

松上垂青蔓蒲根瀉碧泉高僧來不見却返五峰前

遊隱靜山

心在名山久積歲未及遊將過值風雨路不通馬牛丁
壯四五人籃輿時更休轉谷逢煙火下隰多田疇偃穠

黃壓畝刈麻東盈邱始覺山門深長松如騰虬直上百
餘尺蒼髯葉脩脩五峰迎人來冷逼臺殿秋石泉出雲
中引入舍下流緣源至巖口巖底魚可鉤天昏碧溪去
果熟青猿偷草樹不盡識自起詩人羞濺濺澗水淺葍
葍菖蒲稠菖蒲花已晚菖蒲茸尚柔靈根采九節試共
野僧求逡巡能致之衰疾無甚憂昔聞有釋子渡江用
杯浮棲心向茲地埋骨在林陬駁陰漏斜光徒欲窮巔
幽夜還南陵郭幾落猛虎喉

路詠

五里十里消磨盡
千蹄萬蹄來往蹤
古今不是不經歷
踏破青山重復重

書席語送馬御史

天意漫漫物自供
聞香能至是喧蜂
野人割蜜不須盡
留與寒脾作御冬

送李南玉

小人貧於資
君子貧於時
小人富於貨
君子富於辭
貧

雖同寒飢富不同路岐彼富歿則已此富名不移丈夫
事百變未死安可期明明趨財利莫卹前人嗤舉家如
春蠶仰食不可遲況念宿債窘何媿賤士為買臣嘗負
薪相如猶滌卮君思此二人信吾所不欺邇者有趙壹
窮憤自興詩乘驥抱美玉樂與和未知古來鮮逢過後
世無苦悲

代書寄鴨脚子於都下親友

予指老無力不能苦多書書苟過百字便覺筋攣拘京

都多豪英往往處石渠作書未可周寄聲亦已疏後園
有佳果遠贈當鯉魚中雖聞尺素加餐意何如

秋日家居

移榻愛晴暉翛然世慮微懸蟲低復上鬪雀墮還飛相
趣入寒竹自收當晚闌無人知靜景苔色照人衣

昭亭別施度支

昭亭送客地來往四十年常視松端日每稽潭上煙風
移虎旗脚寒入牛童肩待訪名山去相期廬阜前

潘歙州話廬山

潘侯話廬山落落尤可伏初云江上來遠見雲中瀑捨
舟到雲外觀瀑已巖麓往往逢平田攢攢愛深木竹門
懸徑微源水陰藤覆坐石浸兩骹炎膚起芒粟夕陽穿
萬峰高下相出縮尋常杳不分但被煙嵐畜絕頂水底
花開謝向淵腹風力豈能加日氣豈能暝攬之不可得
滴瀝空在掬夜昏投僧居孤燈望溪曲忽聞清磬音漸
近幽林屋止侯休多談已滿我心目懷遊二十年夢寐

今固熟何當借輕舠一往如飛鷺

秋日邨行

谿霧晝又收山邨夜初晦飢禽來往飛遠樹青紅碎原
上楚牛童屋頭吳婦碓雞肥酒已熟野老邀同輩

吳正仲遺蛤蜊

紫緣常為海錯珍吳鄉傳入楚鄉新樽前已奪蟹螯味
當日萸羹枉對人

送潘歙州

潘過宣城而送之

一見新安守便若新安江洞徹物不隔演漾心所降遠
指治所山已入鄰齋窻捧輿登南嶺策馬懷舊邦養親
將為壽傾甘挹玉缸觀軍將勞士嚮肥堆羊腔下車談
詩書上世擁旄幢勿窺淵游鱗無吠夜驚危他日聞課
第天下誰能雙

馬都官行之惠柑荔枝醋壺

梁霜胡柑熟烘日荔枝美橘柚未為精葡萄安可擬郭
生始能贊魏文何謬比二果皆世珍乃遺及賤士而復

副醇醢或乞自諸已豈唯享遠味終得為直矣

郭璞贊云厥色

橘檉奇者維甘魏文帝記云南方龍眼荔枝寧比西國葡萄石蜜

前以柑子詩酬行之既食乃綠橘也頃年襄陽

人遺柑予辨是綠橘今反自笑之

昔辨荊州誤今為越叟迷黃柑與綠橘正似珎珠圭

新安潘侯將行約遊山門寺予以寧淖遂止因

為詩以見懷

蒼山自為門呀豁異鐫鑱路通石壁盡潦起田穉陷傍

嶺有結廬潛潭淨於鑑聞之固欲往久雨濕泥濫莫陪
太守車然諾豈誑賺遙遙橋上去望望馬猶站畏滑不
肯行非關惜韉轡

依韻自和送詩寄潘歙州

潘侯擅詩筆五色神授江世家有大勲佐舜同庀降子
孫逢太平少小事書窻源流本慷慨吐論皆經邦量猶
面牛鼎吾徒媿罌缸開口必典寶省腹唯空腔作者過
我門應笑無戟幢窮老在弊廬何異守戶尨有心希買

交白璧無一雙

避為師依韻答李獻甫

蛟龍養鬚鬣當在浩浩潯虎豹養文采當在巍巍岑我
無太山高我無滄海深斗水與堆阜恐未慰此心

送李逢原

襁負負其才沈沒鸚鵡洲李白負其才飄落滄江頭後
亦多效此才薄空羈囚文章本濟時反不能自周吾嘗
戒吾曹慎勿異爾流臧倉毀孟軻桓魋迫聖丘雖云推

之天未免皇皇求吾今重子學無力薦公關行當思吾
言非教子佞柔

重送李逢原歸蘇州

吳客歸從楚霜華著馬蹄倦童持弊橐呼艇過寒谿寂
寞區中飯依稀日午雞張儀猶舌在不必媿於妻

黃國博遺銀魚乾二百枚

乾若會稽筍色比荊州銀熟宜煨栗火飲助擁爐人低
陰欲飛雪酒微生頰熱海上使方來多饌不為餐

三和寄潘歙州

昔固聞陸海今復有潘江文章吞時英光芒瞻星降

爾雅

曰降婁奎婁也

如游太室陽仰見玉女窻高才生大國試政來

遠邦道傍一相顧冰壺臨瓦缸逸驥美豐肉老羝慙瘦
腔藻詠荅下俚玉鈴鏘寶幢尋言不悟言自笑趣塊
終知將門豪射鵰常貫雙

送天台李令庭芝

吾聞天台久未見天台狀去海知幾里去天知幾丈峰

嶺隱與出巖壑背與向雲雷反在下泉瀑反在上幽深
無窮窺杳眇無窮望至險可悸慄至怪可駭喪石橋彎
長弓跨絕絃未放當時白道猷平步入青嶂去為六百
石亦見志所尚子欲廣異聞可以一尋訪

十一月十二日賽昭亭神

冷雨凝雪未成雪潭空魚寒歸石穴長篙扣穴倩鯉魚
寄信山頭來奠設魚傳水鳥飛上山山大槎槎乾吹咽
旋灰起角巫鼓鳴漆俎銅盤顫牲血琵琶嘈嘈神降言

福汝佑汝無災孽西向啐飲東向迴谿心却望山崔嵬
依韻和吳正仲冬至

流光冉冉即衰遲物趣迴還似轉規長景已知今日至
孤懷不比少年時阻陪上閣鴛鸞後且與南州父老期
況有春禾新酒熟百分休放手中卮

施君挽歌

哀鐸悽悽裏銘旌杳杳中澗雲銷總帳山雨入蒿宮世
路行來久泉塗去莫窮素吟應共葬飲韻在松風

杜和州寄新醅吳正仲云家有海鮮約予攜往
就酌逡巡又云幕中有會且罷此飲

淮南寄我玉醅酒白蚶海月君家有欲持就味明日期
窮羹易覆已反手從事開筵不可辭燕脂秀臉羅前後
長頸善謳須臾謳只恐老來歡意休

依韻荅吳正仲罷飲

君辭予家傾蟻醅自有嘉味須持來青篾絡餅方出戶
紅妝侑席已邀杯窮愁一飲猶關分側望羣賢不可陪

靜坐紙窗無所得只將文字眼前堆

送王景憲奉職

清羸將家子苦節自寒儒四壁我何有一錢君亦無下
灘船亦急聞鴈日將晡行愛青山口人煙事網罟

讀毛祕校新詩

毛公明於詩其系宜善續前示五長篇大須傾幾曲豈
特元和間欬唾成珠玉

送允從上人還廬山

山高雲在下諸壑藏半空千重萬重翠正望落日中不
知野僧歸石徑寒易通松間無人埽墮葉如斷髮獨行
逢莫寒衣裂溪上風

依韻諸公尋靈濟重臺梅

梅要山傍水次栽非同弱柳近章臺重重葉葉花依舊
歲歲年年客又來雖愛千枝競態密還嗟短髮已衰頹
郎官博士留車騎擁蔽脩篁為斫開

和正仲再和罷飲

吳味欺君彊飲開楚醅因我破愁來何言合美將虛館
却憶爭妍就捧杯夜霰已先庭雪集單衣難與毳裘陪
踐盟幾欲驅車去塵事無端日日堆

和韻三和戲示

琴箏畫蛤瓦缸醅海若淮壖各寄來將學時人鬪牛飲
還從上客舞娥杯蓬蒿自有蔣生樂珠翠寧容鄭氏陪
莫計寒暄與風雪古來黃土北邙堆

鄭康成與盧子幹
同事馬融融後堂

有珠翠之會康
成不得預焉

嘉雪應祈呈權郡通判

臘近冬殘雲未合江南青龍麥休肥誰將太守隨車雨
一夜從風作雪飛

依韻四和正仲

四和還如九醞醅更醇更美未嫌來相逢莫作兩般眼
一飲不辭三百杯嵇阮當時無俗慮山王雖賢亦能陪
如今世態尤堪薄只把官資滿眼堆

袁招飲鄭云自旦
至暮三百餘杯

雪

朔雲生晚雨，臘霰集狂風。
不數花多出，安知天更工。
漫階夜已積，萬物曉初蒙。
誰憶新豐酒，乘驢灞水東。

宛陵集卷四十二

欽定四庫全書

宛陵集卷四十三

宋 梅堯臣 撰

依韻和郭祥正祕校遇雨宿昭亭見懷

君乘瘦馬來骨竦毛何長下馬與我語滿屋聲琅琅一
誦廬山高萬景不得藏出沒望林寺遠近數鳥行鬼神
露怪變天地無炎涼設令古畫師極意未能詳誦說冒
雨去夜宿昭亭倚明朝有使至寄多驚俗章

郭來誦歐陽永叔廬

山高送

劉復

採石月贈郭功甫

採石月下聞謫仙
夜披錦袍坐釣船
醉中愛月江底懸
以手弄月身翻然
不應暴落飢蛟涎
便當騎魚上青天
青山有冢人謾傳
却來人間知幾年
在昔熟識汾陽王
納官貫死義難忘
今觀郭喬奇俊郎
睂目真似攻文章
死生往復猶康莊
樹穴探環知姓羊

依韻和郭祕校苦寒

噫風鳴悲鳶
鳴哀雨霰枯木為之摧
昭亭山頭野火滅

海水夜凍迷蓬萊燭籠以爪自掩耳酒殘生冰拈不起
陶潛棄官屋無米兒號妻啼付鄰里

依韻和郭祕校昭亭山偶作

知君棄官後江上尋名山心既慣世內迹欲還人間昭
亭忽來過覽古興長歎野寺拂塵壁丹陽已爛煊殿角
虛寶鐸微風聲珊珊遺像與筆蹟始得觀裴顏淺井何
泠泠前溪何潺潺幽幽隨猿鳥渾渾忘區寰裂裳不為
媿餌芝不為難坐對寒雨中松上孤鶴還

送郭功甫還青山

來何遲遲去何勇
羸馬寒僮肩竦竦
昨日棄為梅福官
扁舟早勝大夫種
負經不厭關山遙
訪我猶將歲月恐
得言會意若秋鷹
反翅歸飛輕飽飭
明朝到家年始開
椒花壽酒期親捧
何當交臂須彊行
莫作區區事邱壟

送鄧生

哀哀彼鄧子
扶柩歸長沙
朝暮哭失聲
驚聒牆上雅
飛去復飛還
相與棲水涯
卜葬不當緩
早晚能到家

送才上人還

闕

實寄達觀禪師

春雪滿蓑笠海邊先燕歸
千林新改葉百衲舊來衣
谿水從何至山雲自解飛
報言巖下客齋盞筍應肥

樂椽自淮南回示新詩

淮南歷覽還宣城囊多佳句何冰清
入門先叫十年兄袖中大卷持來評
我雖暗愚眼不盲要識合如劉長卿
舉頭不言笑且驚此兄議論頗稱情
我亦感君知我名阮籍從呼作老兵

蘇州曹琰虞部浩然堂

姑蘇臺上麋鹿號夫差城中樓觀高荒榛盡已付明月
萬古憤怒空秋濤吳亡越霸能幾日後世擾擾猶鴻毛
孟軻善養浩然氣充塞天地無飢瘵慕而為堂亦有意
不學屈子成離騷

紅梅篇

昨夜輕雷起風雨芍藥紅牙竹欄土南庭梅花如杏花
東家殘朱塗頰顙萼為裳衣蕊為組枝為高居幹為戶

蛺蝶未生蜂未來赤身掩斂無金縷終然有子當助傳
說羹落亦不學飛燕皇后迴風舞此意又笑麻姑與王
母勾引何人擗麟脯是非方朔謾漢武只知此桃不知
語樹不著口數而今言之已莫補放我渾丹鳳皇羽

依韻和吳正仲聞重梅已開見招

難開密葉不因寒誰翦鵝兒短羽攢猶是去年驚目豔
不知從此幾人觀重重好蕊重重惜日日攀枝日日殘
我為病衰方止酒願攜茶具作清歡

寄送吳公明屯田通判秦州

一聞春禽婆餅焦竹林山木生蕭條憶君將向洛門去
胡馬無塵塞路遙將軍本是漢丞相玉帳坐辨牙旗梟
白面書生有肝膽少年曾過咸陽橋今雖老病由廬巷
為報緩制秦兵驕

吳正仲求紅梅接頭

君家梅溪上但見梅花白我家家樹紅求枝寄歸客翦
接如交情本末不相隔明年舉酒時醉頰生微赤

初聞蛙

朝開南籬梅暮聞北池蛙
何時科斗生草根已吐牙
只畏草葉長其下可隱蛇
游子且勿行科斗成蝦蟇

百舌

一冬常噤默乘春何多舌
蒼毛無文章尖啄苦騰說
曉升高高樹百鳥言漏泄
只未聞鳳皇有亦學不徹傷哉
古辯士往往遭車裂

萬表臣報山房有重梅花葉又繁諸君往觀之

前時見多葉曾何數尋常今見葉又多移賞南澗陽寄
言莫苦恃更多殊未央

去臘隱靜山僧寄榷樹子十二本柏樹子十四
本種於新墳

裴柏移皆活風霜不變青冢垣雖闐寂田客每丁寧不
待為書几常流作鬼庭東邊夾路少更致儻能令

補題東都善惠師禪齋

香象紅蕖坐花盆白石臺上公金印去王子玉駒來心

是寒鉶水明無寶鏡埃世人何擾擾時為一言開

送萬殿丞虔州安遠軍

新雷動江雨百鳥響溪巖逆水送行客順風催挂帆過
山唯廟敬團飯與鳥銜太守雖憐舊須防有嫉讒

野望

新晴宜野望最愛是山前遠近花蕪竹高低水拍田呼
名鳥無數問姓客多年此地春耕晚吳牛樹底眠

泛溪

中流清且平捨楫任船行漸近鷺猶立已遥邨覺橫何
妨綠樽滿不畏晚風生屈賈江潭上愁多未適情

春陰

雲壓花房冷風開柳絮遲幽人宿醒在靜館晝眠時欲
雨天無雨將絲鬢未絲孔融過五十歲月已堪悲

新燕

前時春社畢今日燕來飛將補舊巢缺不嫌貧屋歸銜
泥和草梗側翅過柴扉豈比驚丸雀迎人欲拂衣

梨花

處處梨花發看看燕子歸園思前法部淚濕舊宮妃月
白鞦韆地風吹蛺蝶衣彊傾寒食酒漸老覺歡微

新筍

挑筍春雷後晴坡過雨時何言江外早已比洛陽遲園
客自偷賣主人那得知徒令養新竹待與作籊籊

海棠

要識吳同蜀須看線海棠燕脂色欲滴紫蠟蒂何長夜

雨偏宜著春風一任狂當時杜子美吟偏獨相忘

二月七日吳正仲遺活蟹

年年收稻賣江蟹二月得從何處來滿腹紅膏肥似髓
貯盤清殼大於杯定知有口能噓沫休信無心便畏雷
幸與陸機還往熟每分吳味不嫌猜

老馬

馬御史
所留

吳人惜燕駿燕馬臥吳家毛骨從前賈關山欲去賒草
深閑楚澤力盡憶胡沙御史乘來久時逢避路騶

自詠

閉戶無還往端居廢禮容
花為貧富蝕燕是舊過從持
屐對人蠟綻衣看婦縫非同
叔夜傲切莫怪疎慵

鸚鵡

一入秦宮去千山隴樹秋
能言依婦女學語類俳優
玉鐐閑拘束金籠不自由
哀哀是黃鳥死為穆公羞

曉

烏蟾不出海天地無明時
萬國睡未覺一聲雞已知
樹

頭星漸沒枝上露應垂人世紛紛事勞勞只自為

朝二首

鵝鴨出欄去兒童臨水驅欲開花泣露聚噪鳥窺廚秣
馬刈青豈買薪嫌五銖錢刀豈今古邨吏一何愚

木鐸初開水上城竹籬深閉日光生青苔井畔雀兒鬬
烏臼樹頭雅舅鳴世事但知開口笑俗情休要著心行
是非不道任挑撻唯憶當時阮步兵

宣州雜詩二十首

昭亭萬仞山古廟半山間
賽雨使君去釣潭漁父閑
巖肥巖向日竹暗壑連關
北望高樓上南飛鳥自還

三洲灘口急兩水渡頭來
下過桓彝宅上通嚴子臺
潺湲寒月滉漾照春梅
白鷺驚起處魚多見底迴

一過響山畔常思路中丞
開亭宴貔虎制賊象冰蠅
舊刻多磨滅今人少有稱
茸茸春草長時有牧牛登

伍負奔吳日蒼皇及水濱
彎弓射楚使解劔與漁人
扶目觀亡國鞭尸失舊臣
猶為夜濤怒來往百川頻

每見昭亭壁高璩筆墨存丹青虛格裏雲霧碧紗痕鳥屎常愁汚蟲絲幾為捫賢來曾改觀世故有誰論

信讒多見逐伐國豈無仁屈子行江畔昭王問水濱包茅曾責貢香草自持紉莽蒼山川在漁歌屬野人

項籍路猶此力豪聞拔山八千提楚卒百二破秦關陔下圍歌合江頭匹馬還却思諸父老相見亦何顏

細雨春岡滑無因駐馬蹄裘單懷後侶風急過前溪近寺聞魚鼓穿林聽竹雞田家春正急炊飯待鉏犁

古有琴高者騎魚上碧天小鱗隨水至三月滿江邊少

婦自撈捥遠人無弃捐憑書不道薄賣取青蚨錢

諸葛久精妙已能聞國都紫毫搜老兔蒼鼠拔長鬚露

筦何明淨煙丸事染濡班超投此去死作玉關夫

太實木瓜熟壓枝常畏風帖花先漏日噴露漸成紅青

簪包山舍馳心奉漢宮誰將橐駝載辛苦向驕戎

竿頭注腐鼠水次野蜂知每視銜飛翅因熏斲取脾絳

囊千里道乾蛹百鈞馳盡入公侯第雕盤助酒卮

高林似吳鴨滿樹蹊鋪鋪結子繁黃李炮仁瑩翠珠神
農本草闕夏禹貢書無遂壓葡萄賈秋來偏上都

鳥命若楊葉夜棲雞翼間情知羽毛薄自禦雪霜難相
託為溫燠終非學附攀猶勝居鵲握憂懼得生還

柳子厚鵲

說云

高齋謝公歿此地即危樓不改窗中岫無停川上舟壁
陰緣薜荔城冥笑鵲鷗萬井曉煙合素霓橫樹頭

北客多懷北庖羊舉玉卮吾鄉雖處遠佳味頗相宜沙

水馬蹄鼈雪天牛尾狸寄言京國下能有幾人知

五月黃梅肥終朝密雨微綠苔侵竹閣潤氣裛人衣背
隴霑牛去銜蟲濕燕歸高山發瀑水夜漲入吾扉

斫漆高崖畔千筒不一盈野糧收橡子山屋點松明只
見樹堪種曾無田可耕兒孫何所樂向此是平生

傳道零陵守茲亭暫解裝分羣同鴈鴛幾日到瀟湘班
竹思虞舜賴萍憶楚王殷勤吏部句今亦誦無忘

宛水過城下滔滔北去斜遠船來橘蔗深步上魚鰕鵝

美冒椒葉蜜香聞稻花歲時風俗美笑殺異鄉槎

打鴨

莫打鴨打鴨驚鴛鴦鴛鴦新自南池落不比孤洲老禿
鷗禿鷗尚欲遠飛去何況鴛鴦羽翼長

暝

杳杳鐘初發昏昏戶閉時巢禽投樹盡疲馬入城遲醉
唱眠茅屋燒光透槿籬荷鉏休帶月亭長豎毛眉

夜

日從東溟轉夜向西海沉羣物各已息衆星燦然森蝦
蟇將食月魑魅爭出陰阮籍獨不寐徘徊起彈琴

東溪

行到東溪看水時坐臨孤嶼發船遲野鳥眠岸有閑意
老樹著花無醜枝短短蒲茸齊似翦平平沙石淨於篩
情雖不厭住不得薄暮歸來車馬疲

呂大監餉魴魚十尾

日暖楊花四散開江邊魴魚無數來伊魴洛鯉不堪憶

丙穴漾陂何可咍
賀監休思鏡湖去
應知李白跨鯨迴

香爐

李獻甫惠

鐵鑄小香爐
壁環平口鋪
麝焚葵葉大
獸齧竹根趺
淨几羣書外
閑堂一物無
中間任灰燼
終與蕙蘭俱

茶磨二首

楚匠琢山骨折檀
為轉臍乾坤人力
內日月蟻行迷吐
雪誇春茗堆雲憶
舊溪北歸唯此急
藥臼不須擠

盆是荷花磨是蓮
誰礱磨石洞中天
欲將雀舌成雲末

三尺蠻童一臂旋

得自三天洞吳氏

送白珙秀才

谿上桃花發山前桂舸移
水流過峽急風逆出江遲
南國魚鰕厭東都夢寐思
逢人若有問不似在朝時

送閻邱殿丞

每有西歸客誰無滿袖詩
都忘將別意競媚向官資
憑在屋頭月照君牆上旗
不同山一定更遠更相隨

獻甫過

幾樹桃花夾竹開
阮家閭巷長春苔
啓扉索馬送客出
忽覺青紅入眼來

宛陵集卷四十三

欽定四庫全書

宛陵集卷四十四

宋 梅堯臣 撰

寄維揚許待制

當時永叔在揚州中秋待月後池頭約公準擬與我敵
是夜二雄張利矛我時小却避其銳風愁雨阻嫦娥羞
主人持出紫石屏上有朏魄桂樹婆娑而枝虬作詩誇
詫疑天公愛惜光彩向此收四坐稽顙歎辯敏文字響
亮如清球更後數日我北去相與送別城門樓誰知康

成能飲酒一飲三百杯不休雞鳴各自便分散山光寺
側停畫舟我來謁公公未起卧索大白須扶頭而今倏
忽已八載公領府事予居憂歐陽始是玉堂客批章草
詔傳星流問公可憶羊叔子雖在軍中常緩帶而輕裘
寄聲千里能信不

紫微亭

在池州

江雲如旗脚墨點飛鴈行平圃采芳菊上水酌桂漿為
言此何時杜子逢重陽醉思莊生達哂彼齊景傷至今

孤亭間獨有九日章昔我來齊山山僧迎道傍騎馬到
寺門亂石屹若牆值雨不徧歷但取山泉嘗牧之舊游
處苔滑履莫將却返弄水涯隔溪望青蒼絕頂見茅屋
洪波日湯湯雲霞與鴈鶩還動秋客腸去逾十五年游
宦韓陳梁哀哀遘禍殃乃再居南方欲往尚未可追吟
寄支郎

聞臨淄公薨

至和癸巳十二月兮友人語我火犯房芒射鉤鈐而拂

上相兮禍非弼臣誰可當昨日聞太宰悟天道而畏忌
兮歸臥其第三拜章太宰既不得請而賜黃金百兩以
為壽兮諫官御史猶擊強明年孟陬臨淄公薨兮果然
邦國撓棟梁豈無神醫善藥以起疾兮固知稟命有短
長公自十三歲而先帝兮謂肖九齡宜相唐後由石渠
鳳閣禁林以登樞兮俄佩相印居廟堂出入藩輔留守
兩都兮其民詠歌盈康莊官為喉舌勲爵一品兮經筵
講義尊蕭匡年踰順耳不為天兮文字百卷存縑箱子

孫仇仇同鴈行二女賈壻富與楊未知歸葬何土鄉臨
川松柏安可忘我為故吏摧肝腸灑淚作雨春悲涼精
魄其歸於天乎必為星宿還高張骨肌其歸於土乎必
為蕙芷不滅香墓碑墓銘誰能盡其美我為欲傳萬古
須歐陽

吳正仲遺二物詠之

金琰子

鍾傳令公謂
之醒酒花

鍾令昔醒酒豫章留此花黃金琰何小白玉盤無瑕始

入吳郎宅還歸楚客家從茲不能醉只恐賣流霞

疊石

十片寒湖滑千秋白浪根蒼蒼古崖色疊疊老苔痕欲
象巨鼇頂俯當科斗盆唯愁作險說平地起崐崙

依韻和宣城張主簿見贈

韓子於文章所貴不相倣譬彼古今人同心不同貌吉
從志久慕亦以重名教鳴鐘與亨鼎易厭非苦樂祿仕
不及親揚名可為孝君方佐大邑美錦同翦鉸遂令吾

鄉民網直無曲撓既暇乃作詩欲與前人較朝來忽有
贈捧若管窺豹又如捕鯨魚空自持網罩心降醉且睡
昏昏不知覺

送吳正仲婺倅歸梅谿待闕

山水東陽去未去朋親苕霅朝復朝更無越相逃名舸
猶看吳王送女潮海燕歸齊聲滿屋谿梅開過子生條
明年十月吏迎處七里灘前擢奏簫

再送正仲

擬君杜鵑花發當杜鵑時朱袍照白日光彩生路岐自
比青鼠爪中心如亂絲絲亂復不理况復遠別離傾觴
恨不深立馬恨不遲千山從此隔三歲或前期爾後各
寄書空識滿紙辭非如笑言樂但有牽懷悲念昔蘇與
李徘徊問何之

鐵獼

新買小
馬也

朝乘鐵獼上青山最滑春苔亂石間出入白雲勝蠟屐
玉驄雖賤未應閑

送回上人

因往湖州
謁吳正仲

雲出任西東飄然意莫窮山川生眼界巾舄徧區中去
去曾無著勞勞本是空梅谿人可見重爾似泓公

送徐絳祕校罷涇尉而歸

去年茶熟君得補今來茶熟君已去心曾不計茶有無
隼在高風自騰翥昨日我送吳侯歸未忍重臨離別處
不若羣公憐襴衡相逐縱橫唯柳絮

志來上人寄示醑醺花并壓磚茶有感

京都三月醑醪開高架交垂自為洞素葉層層紫蕊香
釀歸光祿春生甕東陌西池走鈿車芳林廣囿飛朱鞵
二年不到大梁城江邊淚滴肝腸痛况茲齒髮漸衰老
已是憂愁不如衆宣城北寺來上人獨有一叢盤嫩蕓
去歲遊吳求不得今朝還喜自持送眼底雖同往日看
樽前所憶皆成夢又置新茶采雨前烏觜壓塲雲色弄
對花却酒煮香泉彊詠才慙非白鳳

聞鶯

最好聲音最好聽似調歌舌更丁寧高枝拋過低枝立
金羽脩眉墨染翎

杜鵑

蜀帝何年魄千春化杜鵑不如歸去語亦自古來傳月
樹啼方急山房客未眠還將口中血滴向野花鮮

依韻和李察推留別

我學猶肥腴一食輒易厭君何以名虛每來車馬淹經
術素所淺道義安得漸獨有寒苦吟可與前古兼今者

抱悲哀憔悴居窮閭愁鳴無好音亟別空顧瞻詩言留
彼美欲和慙無鹽短兵當長戈焉得不盡殲又如握枯
蒿逆風乘烈炎膏盲靡自療誰復望鍼砭

送李節推挈內歸寧池陽并李察推往南康軍

嫁妹二君同行

江上雙畫舸風帆或先後晚共泊蘆洲欣同幕中友一
過長風沙一住覺池口當時驄馬客今是憑熊守每憐
諸女賢與壻來為壽上去至南康嫁妹事箕帚不畏楊

瀾險不為廬峰秀二君情義著我送何須酒

新開墳路

古徑約城斜鉏荒可過車直穿深篠去不比繞邨賒伐
樹侵籬脚裨塍掘澗沙欲為蘭若處松柏屬吾家

送鄒秀才游浙

鞍傍帶劒魚皮鞘馬後攜童越葛衫度水緣山君底急
區區為荅古千巖

四月三日張十遺牡丹二朶

已過穀雨十六日猶見牡丹開淺紅曾不爭先及春早
能陪芍藥到薰風

依韻和唐彥猷華亭十詠

顧亭林

顧亭林湖在東南三十五里湖南又有顧亭林傳是顧野王居

鄉林空林木不見古人居猶尋古人蹟更與古人陳昔
為賢豪里今作魑魅墟湖邊夜夜月光彩波上餘

寒穴

金山有寒穴出泉甘清

山頭寒泉穴淨若鏡面平熨齒敲冰冷貯餅微玉聲傷

有野鹿跡上啼林鳥青何由一往挹况復方病醒

吳王獵場

在華亭谷東今其地為桑陸

孫氏有吳國四海未息戈獵以耀威武平野萬騎羅英雄魏與蜀貔虎一何多世事異莫究但見桑麻坡

柘湖

在南七十里吳越春秋海鹽淪沒為柘湖吳地記秦時有女子入湖為神今存

其祠

柘土久陷沒千歲嗟水濱不復吳鹽邑空有秦女神浩蕩吞海日曠闊迷天津扁舟誰能往旦暮逢漁人

秦始皇馳道

在崐山南四里有大關通吳成

秦帝觀滄海勞人何得脩石橋虹霓斷馳道鹿麋遊車轍久已沒馬跡亦無留驪山寶衣盡萬古空冢邱

陸瑁養魚池

在縣西今名瑁湖云陸瑁所居也

來觀瑁湖水乃是陸生居春塘草幾變誰膾此中魚莫容科斗應亦有魯王餘不隨蛟龍飛神鼈未可除

華亭谷

在縣紆三百里入松江

斷岸三百里縈帶松江流深非桃花源自有漁者舟閑

意見水鳥日共泛觥籌何當騎鯨魚一去幾千秋

陸機宅

華亭谷水東有崑山即其宅機詩云髣髴谷水陽婉孌崑山陰

我思陸平原廢宅荒草深才高乃速禍事往不可箴飢
鳥噪樹顛野鼠窟庭陰黃耳亦已死家書無復尋

崑山

華亭谷東二里有崑山陸機祖葬而生機雲人以崑山出玉以擬其美焉

陸氏幾世祖葬此生令名猶如產美璞遂爾傳嘉聲寒
巖畜奇秀源水日東傾何言千載間二子不更生

三女岡

在東南八十里云是吳王葬女為三岡

吳王葬三女因留此岡名已化被粲質合有蘭蕙生嬋娟夜月照晡藹朝霧平古魂如未泯不遠闔閭城

李獻甫於南海魏侍郎得椰子見遺

魏公番禺歸逢子蕪江口贈以越王頭還同月支首割鮮為飲器津漿若美酒我獨媿先生饌致崇師友應知愈飢渴况是懷思久

齊民要術云其俗為之越王頭

時魚

四月時魚連浪花漁舟出沒浪為家甘肥不入罟師口

一把銅錢趁漿牙

烏賊魚

黃馬二
君餉

海若有醜魚烏圖有烏賊腹膏為飯囊
冒貯飲墨出沒上下波厭飫吳越食爛腸
夾雕蚶隨貢入中國中國捨肥羊啗此亦不惑

依韻和行之枇杷

予送紅梅與之

五月枇杷黃似橘誰思荔枝同此時嘉名已著上林賦
却恨紅梅未有詩

送紅梅行之有詩依其韻和

綴綴紅梅肥似蠟濛濛飛雨灑如脂吳郎齒軟食不得
翻憶張公大谷梨

送王宗望罷宣城尉歸京

南土梅已黃北人舟競發去意方若渴望林殊未歇言
歸向梁宋獨歎滯楚越行聞拜卿屬恩下蒼龍闕

寄題南陵息亭渠閣

竹裏有清館池中多瀟花日光穿岸脚水影射簷牙柱

穴蜂歸響爐檀火過窠已知民訟息漉酒費巾紗

讀問月

我讀太白問月詩乃知白也心太癡明月在上爾在下
月行豈獨君相隨白兔搗藥亦何療嫦娥孤棲欲嫁誰
古人今人被磨滅休問有來都幾時唯有長照金樽裏
此言萬世不可移但能自醉月自落夜夜如此誰復疑
一月二十二三日半是風雨相乖離常願晴明對以飲
耳邊流水勝鳴絲


五月十日雨中飲

梅天下梅雨綏綏如亂絲梅生獨抱愁四顧無與期妻
孥解我意草草陳酒卮檻外百竿竹新筍高過之竹色
入我酒變作青瑠璃一飲眼光再飲言語遲三飲頽
然兀左右歎我衰有鳥從東來引頭闔深枝發聲醒我
醉提壺美無疑典衣不直錢唯是布與絺安得如古人
車傍挂鷗夷

次韻和吳季野游山寺登望文脊山

山屬宣城

楚客好山水五月上高峰峰頂望文脊草樹皆有容身
既近援鳥必欲追喬松石壁出雲背苔磴千萬重下視
霹靂飛忽起枯株龍却還僧居宿暮踐樵子蹤作詩留
粉牆削藁為我封美璞世未識獨令和氏逢



宛陵集卷四十四

欽定四庫全書

集部

宛陵集卷四十五至

詳校官庶吉士臣張溥

檢討臣何思鈞覆勘

覆校官博士臣劉光第

校對官主簿臣汪日贊

謄錄貢生臣許立璽

欽定四庫全書

宛陵集卷四十五

宋 梅堯臣 撰

五月十七日四鼓夢與孺人在宮庭謝恩至尊
令小黃門宣諭曰今日社與卿喜此佳辰便可
作詩進來枕上口占

同謁未央殿共霑明主恩
冤旒親日月蹈舞荷乾坤
龍尾三重峻螭頭幾級尊
德音欣社日撫語走黃門
陰會
皆如實陽開不復存
空餘破窗月流影到牀垠

次韻和吳季野題岳上人澄心亭

空山舊逕綠苔滿古寺齋盂白薤蒸暑雨坐中飛漠漠
野泉林外落層層從來勝絕皆離俗未有幽深不屬僧
唯愛溪頭一尋水莫聞流浪莫聞澄

次韻和馬都官宛溪浮橋

在昔當陽侯建橋臨大川洪波不為阻馳道南北連何
此小溪上擬象坦且平馬頭分朱欄水底裁碧天白雨
緊大竿斷虹生橫舫游魚不可見車騎久臨淵

寄隱靜山懷賢長老

山有枇杷樹樹多獼猴羣高僧心不著一似五峰雲隨
飈來溪口石上起氤氲果熟獼猴去自向瀑澗分

次韻和馬都官苦熱

日光亭午時赫若鎔黃金鳴鳶不生風流雲不成陰赤
地有焦土烈野無沃霖涸潭深幽幽枯嶽高岑火龍
將焚鬣陽烏多渴心肌膚非木石絺綌煩衣襟冰盤不
可見空對瓊玖吟

歷陽過杜挺之遂約同入汴

滄海瀉玉自外天牛斗傍邊客正迴人說維摩居士病
我同王子雪舟來汀沙沮洳湖新落山日曛矇霧始開
去約河隄春柳動與君吹紫步徘徊

和胡公疎送嶼師移居寶光寺

宋日天王寺梁時太子園地猶隨世變物豈與人存欲
問移居意還應避俗喧相期唯有月夜夜在高原

胡公疎示祖擇之盧氏石詩和之

盧肇家

袁州太守蓬山客來過盧家尋怪石盧家百物今已空
唯石難移留舊蹟埋沒尚存三四分雨淋日炙如皴皴
太守惻然呼健兒荷鋤秉鍤爭來役健兒掘土不為堅
旋旋剝沙見圭隙漸奇漸異人忘勞更索更深知幾尺
瘦峰削出嵩華骨虛竅鑿破蛟螭額千指曳繩車四輪
擊鼓助力歸東陌東陌東頭湖水倚黃泥洗盡何蒼碧
故宅愈冷東湖喧賈賤競觀無礙隔太守自憐堅直心
愛少憎多屢遭謫南至蒼梧及桂林名山徧訪無窮僻

所宜厭慣不入眼向此歌吟尤愛惜我思永叔滁陽時
大誇古翠淩溪獲作詩遠寄予與蘇高唱相隨無節拍
今知賢人趨向同玩好託情忘俗格建康從事胡公疎
一見詫君如李白雄才落筆瀉天河綴韻孤清仍險窄
入探虎穴誰為難辭通造化方能敵殿後吾雖膽力強
獨鞭疲馬終無益

逢曾子固

前出秦淮來船尾偶攬燕遽傳曾子固願欲一相見順

風吹長帆舉手但慕羨楊子東園頭下馬情眷眷昔始
知子文今始識子面吐辭亦何嚴白晝忽飛霰我病不
飲酒烹茶又非善冷坐對寒流蕭然未知倦

真州東園

國賦有常計計者豈不賢日夜疲精神自鑒膏火前新
春力有餘鉏荒東乳偏壘土以起榭掘沼以秋蓮竹柏
為冬榮桃李為春妍役役吳楚艘來泊常留連下江忘
其險入漕忘其漻許公作此意吾亦見其權不獨利於

已願書棠樹篇

行吟二首

持轡趨代北
妄意希名馬
代北馬如雲
由來重取舍
王官待才能
高下不苟且
行都未脩飾
黃金誰變瓦
吾當保吾真
甘歸事田野

寘蟻橘林下
正在結實時
附緣與出入
安可責於斯
養大不問細
使遠不問遲
遠遲必有報
細大必有期
休哉
秦龍氏終自辨蛟螭

僧子思以卷來見

明珠與翡翠中國反好之詩書出鄒魯誦學無蠻夸服
彼而習此養驛安問犁古者耕釣士處心殊處卑譬彼
乃可語吾病彊扶持

依韻和揚州許待制竹拄杖

楚竹翦霜叢何慙漢使邛鳩形殊用刻馬箠不同功挺
特生難變支離分已窮輕肥思比鶴短髮任如蓬倚以
為高趣持之見素風步郊聊實下行樂偶從東屢刺毒

苔破深穿苑圃通，辯繁時畫地默意，或書空古血有湘。
跡舊林無阮蹤，將渠誰覺老要此，豈關慵莫駭傾巢鳥。
須虞蠹穴蟲誰能求道術，跨作上天龍。

遇畫工來嵩

朝來又入揚州郭，千萬中人識者誰。唯有來嵩曾畫我，
依稀見似昔年時。

省符上人

春秋一萬八千字，不間吳人楚人事。佛衣儒談世已罕，

節行又與其徒異往來揚州三十年曾見華堂荊棘地
獨聞依舊坐焚香尚把殘編討遺意

沈學士景休知真州

太守旛旗近國門州民迎望若雲屯家風自有東陽詠
主道新移北海樽紅錦臂鞬觀粉質塗金珂勒駕朱軒
他時儻取春秋對莫以周襄出鄭論

送杜君懿屯田通判宣州

京兆外郎稱善書當時相與集江都日書藤紙爭持去

長鉤細畫如珊瑚自茲乖隔三十載始駕吾鄉別乘車
吾鄉素誇紫毫筆因我又加蒼鼠鬚最先賞愛杜丞相
中間喜用蔡君謨爾後仿傳無限數州符縣板仍抹塗
鼠雖可殺不易得貓口奪之煩叱驅若君字大筆亦大
穿墉瑣質無長規君到官治事餘呼諸葛試問渠

張聖民學士出御書并法帖共閱之

又一軸蘇子美書杜

懿病焉

冰膠楚舸歲將窮廣陵別乘憐老翁殷勤來邀彊一往

虛堂肴酒羅甘豐我病胃寒不下咽匕箸謾舉叨席中
主人欲客心意歡出以飛帛騰龍鸞刑政二字布楷法
古今書帖未足觀坐間杜子好弄筆詆譏前輩無全完
一見寶蹤天下妙稽首贊仰舌吻乾如此別識已太險
我不頌詠還應難

讀黃莘秘校卷

嵇康昔彈廣陵散商聲高與宮聲緩託名山鬼未傳人
古桐絃絲絲不斷一聞僵臥竊其音世間雖得能亦罕

賢明以之知盛衰愚昧以之為妄誕頃年過我在蕪城
忽聽長拍去欲嬾鳳皇養雛飛未高雞鶩成羣翅終短
龍章秀骨苦輕時繼作五言須款款

贈許待制歲旦生日

天厯重更端哲人茲命世嘗聞月旦評況是高陽裔椒
花作壽杯爆火通爐挂穹龜及蒼鶴尚以千年係曰惟
五行秀復與明時契他日求老成不須從渭汭

答宣闕司理

六經義趣深傳訓或得失後人語雖淺辨識猶百一歐
陽最知我初時且尚室比以為橄欖迴甘始稱逆老於
文學人尚不即究悉宜乎與世士橫爾遭詬唧誓將默
無言負暄方抱膝非非孰是是都莫答問詰歲暮宣參
軍辭如鮑昭逸粲然傾明珠襲我頗過實便言楚江萍
光彩倬旭日自慙流浪蹤不得蒿片匹復為苦硬句酬
報疆把筆

答鵠湖長老紹元示太玄圖

鵝湖有鵝吾不問鵝湖無鵝吾不疑道士須換黃庭經
釋子自明太玄辭噫嘻兮此意迴與山陰別我亦曾非
逸少為

新韻曾子進早春

新雷歲旦發聲嚴冰管寒銷細滴簷花甲將看枝上拆
蛇鱗不復地中潛黃河分派來應早白首歸朝意自恬
彊欲擬君為秀句便無才思似江淹

依韻和馬都官齊少卿酬和

同時沈宋稱二豪曾說龍門奪錦袍我對前流接清唱
泰山輕重於鴻毛

贈江寧王高士

自古江南風俗美喜君高趣慕先賢藥無遠近寧論報
家有圖書不計錢已住秦淮借風月遍尋吳國舊山川
塵纓我繫未能解每一來過駐畫船

答蕭淵少府卷

君先大夫臨終時夢中嘗賦曉寒歌騎龍跨魚不是誕

直對上帝傳吟哦才如李賀天亦少宜其在世尤難多
文章父子不相似君今平易祖襲那錮鐵錦聚各有用
高下安得與等科大都精意與俗近筆力驅駕能逶迤
野雉五色且非鳳知時善鳴雞若何

答孫直言都官卷

具深相割啗不如無勇人以詩而酬詩徒用多少均我
言雖至簡意切誰見親汲井欲到深磨鑑欲盡塵寒泉
與青銅光潔靡故新臨觴報嘉貺醉語是天真

依韻王司封寶臣答卷

王家再見仲宣詩魚目盈車換斗璣
自媿不從靈蚌吐誰教相並夜蟾飛
暫增光價千金重終覺枯陳一芥微
已屈至珍來彈雀恩蛇銜報此能希

高士王君歸建業

風雨起春寒乘湖曉帆送目看瓜步
雲心近茅家洞忽覺柳已青來時枝
尚凍羨爾向江南正開新釀甕

呂寺丞家膳

春雨薄無泥野苗青入俎深堂開畫圖飛鳥驚寒渚名
筆今寂寥嘉賓競推許主人何太勤不異具雞黍

趙祕校見訪

文學儒家子儒本通天人蠨蛸尚先喜吾黨何迷津津
亭一相過不笑復不嚙應此識恬泊曾匪慢爾賓

答張令卷

嘗聞甥似舅似舅詩尤少古意得河源新聲變春鳥讀
之不敢倦十未能一曉顛倒文字間使吾心擾擾

依韻答泰州王道粹學士見寄

君同黃鵠游海嶠我學白雲歸帝鄉已愛健翅自鼓舞
誰憐孤影猶飄揚安得相從在霄漢于今留滯嗟繫韁
欲隨輕風挹君袂滿野春雨生迷茫

依韻和孫浦二都官展墓由大明精舍而歸

新松煙翠入衣巾雨後岡原不起塵
霜露悲懷今正切曾非結客去尋春

拜壘忽生寒食心應緣春入感啼禽
淚霑宿草根仍凍

馬立荒沙跡已深
野老輟耕風料峭
山房開晝日陰森
歸鞍却望原頭路
羃羃輕煙物景沈

張聖民席上聽張令彈琴

一聽履霜霜滿足
再聽綠水聲緣谷
我行日月關春波
嫩苔沙雨侵魚目
漁歌晚唱泛水來
天浸滄浪光可掬
坐中此意自絃生
中郎五弄人難熟
人知難熟獨善彈
彈拍未終脂駕速
鄭衛古來多喜聞
卒章為我歌淇澳

時聖民赴齊
少卿家會

走筆送王琪

江南二月草青青送子歸時已滿汀誰信而今有忠義
祇知七日哭秦廷

宣司理餉蒸鵝

昔年相國籠之贈今日叅軍饌以蒸一咀肥甘酬短句
定應無復謫言興

宛陵集卷四十五

欽定四庫全書

宛陵集卷四十六

宋 梅堯臣 撰

依韻和許待制春雪

密雪犯陽和寒階覆短莎
條牙摧不展鳥舌噤應多變
令已為失易消如未苛
桃花禹門水早晚見通波

送廣西提刑潘比部

伯恭

白麻新拜大丞相黃紙首除南省郎
欲使平刑安遠俗莫辭乘傳歷炎荒
桂林地險通推髻陽朔峰奇削劍鉞

自有王門舊勲業且須稀作上書囊

大明寺平山堂

陸羽烹茶處為堂備宴娛岡形來自蜀山色去連吳毫
髮開明鏡陰晴改畫圖翰林能憶否此景大梁無

次韻和王平甫見寄

尊王興霸國古莫重齊桓仲尼書大法亦莫重更端文
章革浮澆近世無如韓健筆走霹靂龍蛇奮潛蟠颺風
何端倪鼓蕩巨浸瀾明珠及百怪容畜知曠寬其後漸

衰微餘襲猶未彈我朝三四公合力興憤歎幸時構明
堂願為櫨與欒期琢宗廟器願備次玉珎謝公唱西都
予預歐尹觀乃復元和盛一變誰為難行將三十載衣
被劇織紉後生喜成功往往舞朱干君家兄弟賢挺拔
尤堅完譬彼登泰山孰辨雲徑盤忽在高高巔兩腋猶
插翰我久知子名曾未接子歡前者和君詩薄言慙兒
肝淮南喜子來袖刺字未漫明日聞渡江留書特相安
今又獲嘉辭至味非鹹酸

依韻和丁元珍見寄

我從江南來挂席江上正輕舟自行速不與風力競乃
省少時學彊勉無佳興初如弄機杼未解布絲經利器
昧其持或反授人柄及親賢豪游所尚志已定不厭朝
市喧不須山林靜不為煦煦妍不為嚴嚴冰遇物理自
暢區處劇操令仍類楚野筠忽從孤根迸便成翠琅玕
久與風霜硬雖然達吾真誰復究畢竟世間忘坦塗盡
欲求密徑哂我是闕疎宜乎今蹭蹬蹭蹬誠可嗟所偶

亦已併晚逢二三友喜飲恨多病道路何遑迴季秋越
春孟平生景慕者邂逅出天幸接迹猶謂榮況此聲顏
並實慙寡時用又顧無奇行愛之不忍去自旦還至暝
在昔濁世賢徒知清酒聖但用醉為娛一老少不更稍
思桃源人翩爾乘魚艇尋花逐水往豈念衰與盛歌謳
非俗情山響自荅應以此謝君勤微言期略聽衮衮不
足為試共幽人評

泰州王學士寄車螯蛤蜊

車螯與月蛤寄自海陵郡謂我抱餘醒江都多美醞老
來飲不滿一醉已闕分甘鮮雖所嗜易飫亦莫問嬌女
巧收殼燕脂合眉暈貧奩無金玉狼籍生恚忿妻孥喜
食之婢妾困埽拚行當至京華耳目飽塵坌此味爽口
難書為馱者訓

張聖民席上賦紅梅

吾家有嘉樹紅藥開朝霧笑杏少清香鄙梅多俗趣江
都別乘居似見句溪園坐中勿苦疑結子看春暮

平山堂雜言

蕪城之北大明寺闢堂開爽趣廣而意龐歐陽公經始
曰平山山之迤邐蒼翠隔大江天清日明了見峰嶺
已勝謝朓巖巖遠視於一窗亦笑煬帝造樓摘星放螢
火錦帆落檣旗建杠我今乃來偶同二三友得句欲霜
鐘撞却思公之文字世莫雙舉酒一使長咽慢肌高揭
鼓笛腔萬古有作心曾降

自感二首

左目忽昏花愁心亂劇麻文書都莫見藥物近憑他眸
子終何似形軀且願嘉唯期一開泰再望日中雅

我不嫌髭白白髭何自落雖然失醜衰將恐日疎薄有
生無不老歲事看秋籜一身憂已大毫髮誰能度

二月二十

八日

依韻和孫都官河上寫望

河上風煙愛此邦吳艘越舸不相降魚鯉鱣鱣橋邊市
花暗深深竹裏窗蹴踘漸知寒食近鞦韆將立小鬟雙

年光取次須偷賞何用功名節與幢

依韻和試筆偶書

洗硯開書几拈毫喜子巢不為微物撓自向小欄敲已
逐游絲未還緣翠葉梢因知生理大不必在重爻

和張民朝謁建隆寺二次用寫望試筆韻

荒臺殘壘舊名邦曾說王師此受降西漢衣冠拜原廟
五天龍象護經窗蜀岡井味人猶品隋帝宮基闕尚雙
自古興亡不須問風鈴閑聽響幡幢

躍馬侵星去啼雅未出巢春裘風易裂從騎鎧相敲紅
日雙行柳黃金一抹梢乾坤功力大默誦易中爻

依韻和許待制後園宴賓

春來無處不幽芳誰復樽前歎異鄉繞榻綺羅觀舊豔
傷池桃杏照新妝柳條拂拂牽絲嫩蕊粉輕輕落酒香
聞道主公偏愛客翻思當日醉莎場

宛邱城頭有莎場
臨淄公每飲於其

間

依韻和許待制偶書

曉雨射船珠瀉盤平明水上舞英殘鬪雞蹠惡輕泥濕
調馬蹄翻軟土乾深屋燕巢將欲補密房蠶蟻尚憂寒
為言楚客甘蔬藪白芷香牙長嫩珊

閨思

望日赤如橘游梁音信稀愁心常似醉春絮等閑飛江
鰕看將爛芹牙吐尚微何時憑燕子寄取錦書歸

代書寄王道粹學士

已具扁舟訪使君忽逢春雨起淮濱花寒蛺蝶猶相守

水冷鴛鴦不暫分，況約他時來寄蹟。
何須今日去論文，解裝無復山陰興。
且對荆釵與布裙。

依韻和許待制病起偶書

桐柳陰陰翠色參，幔房深邃靜於巖。
疾疑不是因蛇影，方祕曾傳白玉函。
煉蜜有時蜂競至，墜羶無數蟻來銜。
女奚困觸屏風響，林鳥飢尋蠹木鵠趨吏。
喜聞開便閣，舞姬排北翦春衫。
嘉賓入幕金樽抹，賀客衝風席帽攬。
談出古人非騁辯，詩成王化不言讒。
提綱勿用銖銖較。

列局緣從物物監龍腦篆香盤屈曲虎頭雕枕剔空嵌
年踰五十惟耽易能格神明莫若誠

依韻和孫待制新栽竹

斲破煙叢帶筍移映軒臨檻特為宜龍孫已見多奇節
鳳實新生入翠枝不向阮家林下集還思渭北水邊窺
一花一草公休詠慣作蘭臺侍從詩

依韻和戲題

揚州太守重交情我欲西歸未得行寒食尚賒花水近

妻孥煎去到天明

依韻和孫待制春日偶書

甕面春醅壓嫩藍盤中鵝炙亦肥甘正宜醉夢輕為蝶
苦怕酬詩密似蠶病起羊公方隱几歸來陶令只乘籃
河隄古木欣欣暗野水新秧拍拍渰已向官資隨分足
莫將忠憤等閒談況於世上諸般厭不作人間一例貪
陋巷自知當退縮擁門誰解更趨參高低趨向難為合
冷暖情懷固飽諳勉意妻兒猶苟祿彊顏冠冕未抽簪

唯公恩遇留連久頻對樽疊也負慙

依韻和禁煙近事之什

狂風暴雨已頻過近水棠梨著未多窈窕踏歌相把袂
輕浮賭勝各飛壻閑牽白日游絲颺細驀黃金舞帶拖
小苑芳菲花鬪蕊華堂嘲哢燕爭窠西州駿馬頭如剝
南國佳人頸似瑳結客追隨傾畫榼分朋游樂藉青莎
鞦韆競打遺鈿翠芍藥將開翦纈羅我病乞求新火灸
無心更聽竹枝歌

依韻和春日見示

春雨嬾從年少狂一生憔悴為詩忙不能屑屑隨時輩
亦恥區區憶故鄉白玉笛聲親府席六么花拍動衣香
龍咽嘹唳留行月鳳翼趨蹌巧定場粉色酒容歡四座
花光燭影照西牆虛榮浪費知多少安得如君展肺腸

依韻和偶書相留

在昔有言無不讐故於嘉詠豈宜休出奇吳國將能戰
探隱漢宮人戲闌吹笛夢來猶記曲愛歌老去未忘謳

車中變服為秦客頭上南冠學楚囚日永歡呼遺搏齒
夜深談論廢更籌海陵已有從游約今欲西歸且榜舟
讀邵不疑學士詩卷杜挺之忽來因出示之且
伏高致輒書一時之語以奉呈

作詩無古今唯造平澹難譬身有兩目瞭然瞻視端邵
南有遺風源流應未殫所得六十章小大珠落槃光彩
若明月射我枕席寒含香視草郎下馬一借觀既觀坐
長歎復想李杜韓願執戈與戟生死事將壇

送寧鄉令張沆

長沙過洞庭水泊風搖石青山接夸蠻白晝鳴鵲鷄竹
存帝女啼夔學林雍鑿不嫌卑濕往教令民須聽

依許待制送行詩韻詠燕以寄

江燕銜泥日深堂拂玉琴不教關閣戶乃見主人心掠
水飛殊捷迎風去已禁短書猶可記聊影託微吟

依韻和酬邵不疑見答

君才若巨賈既富仍深藏遂無碌碌貧共處安可量滔

滔大澤陂渺漫入幽荒徒欲窮端倪憑高何相望一日
以文繡被此糞土牆門徒三千人起予唯卜商薄言昧
纖悉懷憂思萱忘美璞委雕琢以未知我祥但念故時
朋所樂來遠方慎勿以名使取敗非相當

贈張伯益

張伯益風義自足常遊遨醉彈琵琶聲嘈嘈雷車急輓
蛟龍號曲終放撥解紫絛勇氣索筆作小篆李斯復出
秦碑高不數宣王石鼓文快健欲敵橫磨刀奕棋絲桐

且置之衆善多取精神勞

依韻和邵不疑以雨止烹茶觀畫聽琴之會

彈琴閱古畫煮茗仍有期一夕風雨來目喜農畝滋中
河不阻澀舟楫亦所宜况聞新疾愈當與嗜好睽何須
顧小約豈不有他時澹泊全精神老氏吾將師幸因荅
來章敢不以此咨此咨有深理願君勤且思

依韻和不疑寄杜挺之以病雨止冷淘會

邵杜二良守相逢欲霑醉促膝一開顏衮衮言有味或

歎季路宜或語伯夷是各懷忠義心要終豈同異我實
疎賤軀政治未使試預茲高古談懦志生勇氣明當饌
湯餅疾雨晦天地一日不見君何止如三歲口腹尚乖
期榮華可推類嗟嗟勿復問安恬固無媿

獨酌偶作

東路歸梁嬾黃流下汴深眼穿南去翼耳冷北來音風
雨昏斜日乾坤入醉吟不憂貧且老自有伯鸞心

荅杜挺之遺鰲魚乾

百年蠹柳根半浮揭屋顛風吹欲倒寸步泥深登岸難
鰕乾助飲鄰船老

宛陵集卷四十六